

REGIONAL NEWS UNIT
ALL INDIA RADIO GANGTOK
BHUTIA NEWS BULLETIN

BROADCAST: 18:50 HRS

DATE: 18/12/ 2025

GOVERNOR – CM – GREETING KAGAY CHAM

འབྲས་ལྗོངས་ གྱི་ བློན་སྐྱོད་ Om Prakash Mathur ངང་ གཙོ་མུ་ གློན་པོ་ Prem Singh ཏ་དམག་ གིས་ བཀའ་བརྒྱུད་ མཆམ་ གྱི་ དུས་སྐབས་ ཉིན་ ན་ ཐམས་ཅད་ ལོ་ དགའ་ལྷ་ གློན་ལམ་ ལུལ་བོ་ མིན། མཆམ་ འདི་ མ་ལེདམ་ རྒྱ་ལོ་ བགག་མཁན་ ལྷམ་ཚུའི་ གནང་མཁན་ ཅིག་ བདོག་ཐབས་ རིམ་རོ་ ཅིག་ མིན། མགོ་བོ་ གཉིས་གར་ གྱི་ ལྷག་ཆེན་ མཆམ་ འཛིན་བསྟན་ ཉིན་ གྱི་ མ་ལེདམ་ ལྷེང་ལོ་ ལམ་ གི་ རྒྱལ་ཁ་ གཏག་ མིན་ ངང་ བར་ཆད་ གསལ་མཁན་ གཡོག་ བྱས་ཚྭ་ མིན་ ཉོན་གོ་ ལོ་ འདི་ ལོ་ རྒྱུང་པའི་ རྒྱབ་ལས་ ངང་ འོང་མཁན་ ལོའི་ འོན་ལས་ སྦྱིད་ལྷ་ དགའ་ལྷ་ ངང་ ལུན་ལུམ་ ཆོད་པའི་ གློན་ལམ་ མཉམ་ཆེ་ འགོ་བཙུག་ཤང་ བསམ་སྒོ་ འབྲོན་བོ་ མིན།

VIKSIT BHARAT

ལོ་ ༢༠༧༩ སང་ལྷེ་ རྒྱ་གར་ ལོ་ ཡར་རྒྱས་ རྒྱལ་ཁབ་ བཟོ་ཤང་ ལབ་མཁན་ དམི་ཏ་ལུལ་ མཉམ་ཆེ་ “Viksit Bharat” ལབ་མཁན་ quiz བཞག་གོ་ སྤང། Viksit Bharat གཞན་བོ་ བྱད་ཉིན་ ༢༠༢༥ གི་ ༡༩ གི་ ཅིག་ འོན་བཞིན་ quiz འདི་ my bharat portal ན་ ཐོབ་ཚུད་ཤང་ མིན། ༡༢ ཐམས་བ་ སྦྱད་ཚུ་ ན་ བཞག་མཁན་ quiz འདི་ ན་ རྒྱ་གར་ མཉམ་ཆེ་ འགལ་བའི་ མན་འདྲ་བོ་ མགོ་ཡིག་ ཚུ་ ངང་ ཡར་རྒྱས་ རྒྱ་གར་ གྱི་ ཉིད་ལམ་ ན་ རྒྱུང་ལེན་ ཤང་ འོན་ལམ་ མི་སར་ ལོ་ མེམས་ཤུ་ ལུལ་བཞིན་ འོན་ལས་ སྤང། འདིའི་ འོན་ཆེན་ གི་ ལུང་བསམ་ ཡང་ཤང་ མི་སར་ རྒྱུང་ལེན་ལོ་ ལུལ་ཤང་ ངང་ མངའ་ལྷེ་ ངང་ དབྱས་གཞུང་ འོ་འོག་ ལུལ་ཚུ་ ལས་ འབྲས་མི་ རྒྱུང་ལེན་ ལོ་ ཉོན་ཤང་ འོན་ལས་ མིན་བོ་ སྤང། འབྲས་ལྗོངས་ ན་ Viksit Bharat གཞན་བོ་ མགོ་བོ་ བྱད་ཉིན་ ༢༠༢༥ ཐོག་རང་ འོ་ལའ་ རྒྱ་ཆོང་ ༩ ན་ དཔལ་འབྱོར་ རྩེད་ཐང་ ན་ ཐོན་ཤང་ མིན་ འདི་ འབྲེལ་ལྷེ་ Deputy Director Mangal Jhakhar གི་ གསུང་བོ་ མིན།

BJP, SIKKIM – VP MET NITIN NABIN

BJP འབྲས་ལྗོངས་ གྱི་ མངའ་ལྷེ་ གཙོ་འཛིན་ འདོམ་ ངང་ དབྱས་གཞུང་ འཛིན་སྐྱོང་ འབྲས་མི་ N.K Subba གིས་ གཤང་ ལྷེ་ལི་ གསར་པོ་ ན་ རྒྱལ་ཁབ་ BJP གི་ གཡོག་འགན་ གཙོ་འཛིན་ Nitin Nabin ལོ་ མཇལ་བོ་ སྤང། ཆོད་བསྐྱེ་ ན་ འབྲས་ལྗོངས་ ན་ BJP གི་ ད་ལྟོ་ གནས་གཏང་ མ་འོང་པའི་ ཉིན་ཚུའི་ ལམ་བསྟན་ ངང་ ཆོད་པའི་ ཡར་རྒྱས་ གྱི་ གློན་ལས་ ལྷེང་རིང་ ངང་ བཟོ་ཐབས་ ཆེན་པོ་ བྱད་ཉིན་ ཐོན་ འདུག། བློད་བྱས་ མགོ་བོ་ ཚུ་ གི་ རྩེད་ལམ་ བསམ་སྒོ་ གསར་ལྷ་ ངང་ མི་སར་ ཡོག་ཏའ་ གཡོག་ ཚུ་ ལོ་ རྒྱབ་སྐྱ་ བྱས་ཏི་ མངའ་ལྷེ་ ན་ བློད་བྱས་ ཆོད་པོ་ ལོ་ ད་རུང་ རིང་རིང་ བཟོ་ཤང་ གློན་ལས་ ཡང་ བྱད་ཉིན་ གནང་བོ་ མིན། ལོ་ ༢༠༡༩ ན་ འབྲས་ལྗོངས་ གི་ མངའ་ལྷེ་ འོས་ཤོག་ གཟེད་སྟོག་པོ་ ཉོན་ གཡོག་ རྒྱབ་མཁན་ Nitin Nabin གི་ རྒྱལ་ཆེན་ ལམ་བསྟན་ བསམ་སྒོ་ ཡོད་ཤོག་ ངང་ བསྐབ་བྱ་ གི་ འབྲས་ལྗོངས་ ན་ ལེདམ་ ངང་ ཁ་འབམ་ རྩེད་ མཁན་ ཆོད་པོ་ བཟོ་ཚུད་ ཤང་ བསྐབ་བྱ་ གནང་ འདུག།

MINISTER INAUGURATES LANDMARK

འབྲས་ལྗོངས་ གཞུང་ གི་ རྒྱ་ཆེན་ ངང་ རང་བཞིན་ མཐའ་སྐྱར་ ལས་ལག་ གི་ གློན་པོ་ ལུན་ཆོད་ རྒྱལ་ཁབ་ གིས་ ད་རིང་ མན་གན་ རྩེད་ལའི་ སྤྱིད་གདོང་ བར་ཤོག་ GPU འོན་བཞིན་ Lower Barfok ན་ “I Love Barfok” ལབ་མཁན་ འགྲུལ་སྐྱར་བའི་ ས་གནས་ གྱི་ འགོ་བྱི་ གནང་བོ་ མིན། རྩེད་དགྲ་ ལུལ་ཆོད་ ན་ འགྲུལ་སྐྱར་ ངང་ ལུལ་ཁའི་ འོ་གཏགས་ ལོ་ རྒྱབ་སྐྱ་ བྱས་ཤང་ འོན་བཞིན་ འདི་ གཅིག་ རྒྱལ་ཆེན་ གོམ་ཐེམ་ མིན།

WINTER COACHING CLASSES – RONGLI

“Cooperative ཐོག་ལས་ ཡོན་ཏར་” མགོ་ཡིག་ མཉམ་ཆེ་ སོར་ཁའི་ coaching classes འཛིན་རྒྱལ་ ༡༠ གི་ ༣༠ ཐམས་བ་ སློབ་ཕྲག་ ཚུ་ རྒྱུང་ལེན་ ཚུ་ རོང་ལོ་ ན་ འགོ་བཙུག་ ཡོད། གཤངས་ ལས་ འགོ་བཙུག་ མཁན་ ལས་རིམ་ འདི་ Feb ཟླ་བ་ ཆད་ སང་ལྷེ་ ཞག་ཤང་ མིན། ལས་རིམ་ འདི་ རོང་ལི་ གྱི་ བློད་བྱས་ འབྲས་མི་ Puran Gurung གིས་ ལམ་བསྟན་ ན་ བཞག་གོ་ མིན། སོར་ཁར་ དུས་ཆོད་ ན་ སློབ་ཕྲག་ ཚུ་ ལོ་ ཤེས་ཡོན་ སྤང་དར་ ཐོག་ལས་ རྟོད་རམ་ ལུལ་ཤང་ ལབ་ཏི་ དཔོ་སྐྱོང་ རྩེད་ལའི་ རོང་ལི་ ན་ ཡོད་མཁན་ Primary Agriculture Credit Society གི་ coaching ལས་རིམ་ འདི་ བཞག་གོ་ མིན། དཔལ་འབྱོར་ གནས་གཏང་ དཀའ་ངལ་ ཡོད་མཁན་ སློབ་ཕྲག་ ཚུ་ ལོ་ ལས་རིམ་ ན་ རྒྱུང་ལེན་ ཤང་ འོན་ལས་ མེམས་ཤུ་ ལུལ་ ཡོད།

AIFF PENALIZES SIKKIM DRAGONS

ཡོང་དོམ་ རྒྱ་གར་ རྒྱུང་ཆེད་ ཆོད་ཆེན་ AFF གི་ སྦྱོང་ལམ་ གཟེད་སྟོག་ ཆོད་པོ་ གི་ སོད་མཁན་ ཟླ་བོ་ Nov ཆོས་ ༢༥ གི་ ཉིན་ དཔལ་འབྱོར་ རྩེད་ཐང་ ན་ ཐོན་མཁན་ ༩༡ Governor’s Gold Cup གི་ Semi Final ན་ Rajasthan United F.C མཉམ་ཆེ་ རྩེདམ་ རྒྱུང་པའི་ རྒྱབ་ལས་ ཐོབ་མཁན་ ཐབས་འཛིན་ འོན་ལས་ ཁོང་ཚུའི་ རྒྱུང་ལེན་ འོན་བཞིན་ Sikkim Dragon F.C གྱི་ Manager Kunzang Bhutia ངང་ ༡ ཐམས་བ་ རྩེད་མི་ ཚུ་ རྩེད་ལོ་ རྩེདམ་ རྩེད་ ཐོབ་མཁན་ ངང་ ཆད་པ་ ཐབས་ཤང་ ཉེས་ཆད་ གཏང་ ཡོད། དདུལ་ ཆད་པ་ གེལ་བཞིན་ match ༣ ལས་ ༥ ཐམས་བ་ རྩེད་ མ་ཐོབ་ཤང་ བཟོ་ ཡོད། ཡོང་དོམ་ རྒྱ་གར་ རྒྱུང་ཆེད་ པོ་ལོ་ ཆོད་ཆེན་ གྱི་ སྦྱོང་ལམ་ ཆོད་པོ་ འོན་བཞིན་ club ལོ་ རྩེདམ་ ལས་ གཞན་ མ་ལེདམ་ བྱས་ ལག་ལེན་ བྱས་བའི་ འོན་ལས་ ཡང་ ཆད་པ་ གེལ་ ཡོད།